

2017.12.05.17.3

Na osnovu člana 72. Zakona o javnim nabavkama BiH ( Sl.glasnik BiH 39/14 ) a nakon provedenog Otvorenog postupka za nabavke robe: **KOMPRESIRANI PRIRODNI PLIN ( CNG PLIN )**, sa sukcesivnom isporukom za potrebe, KJKP GRADSKI SAOBRAČAJ D.O.O. SARAJEVO, zaključuje se:

**OKVIRNI SPORAZUM O NABAVCI ROBE: KOMPRESIRANI PRIRODNI PLIN ( CNG PLIN )**  
Između:

1. **KJKP GRADSKI SAOBRAČAJ D.O.O. SARAJEVO, ul. Srđana Aleksića br.1, koga zastupa Generalni direktor Avdo Vatrić dipl. Ing.el., s jedne strane /u daljem tekstu: Ugovorni organ /**
2. **« JUNUZOVIĆ - KOPEX » d.o.o. Lukavac., REG.br.1-7573 Opštinski sud Tuzla;ID BR. 4209157220005, PDV BR. 209157220005, TR.RN.BR. kod UniCredit banka dd Mostar , koga zastupa Saša Selimović - Direktor , s druge strane ( u daljem tekstu Dobavljač ).**

Član 1.

Ovim Okvirnim sporazumom ugovorne strane regulišu okvirna pitanja vezana za realizaciju nabavke robe: **KOMPRESIRANI PRIRODNI PLIN ( CNG PLIN )**.

Član 2.

Predmet ovog ugovora je sukcesivna nabavka robe: **KOMPRESIRANI PRIRODNI PLIN ( CNG PLIN )** od firme « **JUNUZOVIĆ - KOPEX » d.o.o. Lukavac**, kojem je dodjeljen Okvirni sporazum Odlukom Ugovornog organa broj 04/174 od 10.4.2017 god.u postupku nabavke , a koji je proveden po Otvorenom postupku nabavke objavljenog na Portalu javnih nabavki 28.2.2017 god., a dodatno obavještenje o nabavci u Sl.glasniku BiH broj 15/16 od 3.3.2017 god.

Član 3.

Dobavljač se obavezuje da će Ugovornom organu isporučiti robu iz člana 1 ovog Sporazuma, pod uslovima i jediničnoj cijeni kao što je naznačeno u prilogu ovog Sporazuma ( Anex 2 i 3 ) koji čine njegov sastavni dio.

**Vrijednost nabavke po ovom okvirnom sporazumu iznosi po jednom kilogramu 1,19 KM bez PDV-a odnosno 1,39 KM sa PDV-om tako da ukupna cijena ponude bez PDV-a iznosi 654.500,00 KM a sa PDV-om 765.765,00 KM za period od jedne godine.**

Način i uslovi plaćanja: 45 dana od dana ispostavljanja fakture.

Član 4.

Količine navedene u prilogu ovog sporazuma nisu obavezujuće za Ugovorni organ, tako da isti zadržava pravo na promjenu količine i nabavku samo onih količina koje su mu potrebne.

Okvirni sporazum se zaključuje na period od jedne godine od potpisivanja Okvirnog sporazuma, odnosno maksimalne finansijske vrijednosti okvirnog sporazuma navedene u članu 3 stav dva sporazuma.

Član 5.

**Dobavljač se obavezuje da će robu isporučiti Ugovornom organu u punionicu čije je sjedište na području grada Sarajeva u roku od 24 sata od prijema pismenog zahtjeva za isporuku.**

Dobavljač se obavezuje da će Ugovornog organa svrstati u prioritetne kupce što znači da će obezbijediti kontinuiranu isporuku plina a kako je to naveo u svojoj izjavi koja je sastavni dio ponude.


Član 6.

Kvalitet robe mora odgovarati važećim propisima o kvalitetu robe u BiH.

Dobavljač daje garanciju na isporučenu robu tokom trajanja ugovora.

Dobavljač se obavezuje isporučivati robu u skladu sa tehničkom specifikacijom a prema izjavi datoj u ponudi.

U slučaju da Ugovorni organ naknadno utvrdi razliku u isporučenoj količini ili da kvaliteta ne odgovara Ugovorni organ će sačiniti komisijski zapisnik kojeg će najkasnije u roku od tri dana dostaviti dobavljaču radi otklanjanja uočenog nedostatka.



Član 7.

Na osnovu ovog okvirnog sporazuma ugovorne strane će zaključiti pojedinačne ugovore kojima će se bliže regulisati prava i obaveze za realizaciju ovog okvirnog sporazuma. Pojedinačne nabavke odnosno ugovor obavežno će biti pod uslovima utvrđenim u tenderskoj dokumentaciji i prihvaćenoj ponudi. Sve što nije regulisano ovim sporazumom ili pojedinačnim ugovorom sklopljenim na temelju ovog sporazuma primjenjivat će se odgovarajuće odredbe Zakona o obligacionim odnosima.

Član 8.

Dobavljač je obavezan da najkasnije u roku od 7 dana nakon potpisivanja pojedinačnog ugovora dostavi bezuslovnu bankarsku garanciju u iznosu od 2 % od ugovorene vrijednosti.  
**Ukoliko Dobavljač ne dostavi bezuslovnu bankarsku garanciju iz stava 1. ovog člana a sporazum se potpiše, primjenjivat će se odredbe člana 125 Zakona o obligacionim odnosima.**

Član 9.

U okviru perioda važenja ovog okvirnog sporazuma koji je naveden u članu 4. za pojedinačne nabavke neće se primjenjivati odredbe propisa kojima se uređuje postupak javne nabavke.

Član 10.

Cijene iz ovog sporazuma su promjenjive u toku važenja okvirnog sporazuma. Kod eventualne promjene cijene dobavljač se obavezuje da će ugovornom organu dostaviti original ili ovjerenu kopiju odobrenja o promjeni cijene, izdatog od nadležnog Ministarstva o važećoj cijeni „ CNG Komprimirani prirodni plin „ , koja je predmet ove nabavke

Član 11.

Odredbe ovog okvirnog sporazuma se ne mogu mjenjati nakon njegovog zaključivanja u pogledu vrijednosti, dužine trajanja i maksimalnih okvirnih količina, navedenih u Tehničkim podacima i elementima ponude ( Anex 3 )

Član 12.

Ovaj okvirni sporazum stupa na snagu nakon potpisivanja obje ugovorne strane. Ukoliko Dobavljač ne ispuní uslov vezan za garanciju za dobro izvršenje posla u roku regulisanom u tački 8 sporazuma smatrat će se da ovaj sporazum nije ni zaključen.

Član 13.

Sve eventualne sporove ugovorne strane će rješavati mirnim putem a ukoliko to nije moguće za rješavanje spora nadležan je Općinski sud u Sarajevu.

Član 14.

Ovaj okvirni sporazum je sačinjen u /4/ primjerka, od kojih ugovorni organ zadržava tri /3/, a dobavljač jedan /1/ primjerak .

SUPOTPISNIK

Jakub Kubur dipl.ing.saob.



ZA UGOVORNI ORGAN  
GENERALNI DIREKTOR

Avdo Vatrić dipl.ing.el.

ZA DOBAVLJAČA

DIREKTOR

Saša Selimović

Broj: 01-VP-1857/17  
Datum: 26.04.17



Broj: 5333

Datum: 20.04.2017

Handwritten signatures and initials in blue ink, including the name 'Pera' and other illegible marks.